


定南廳志



同治十一年增修

中
南
陽
禮

板藏禮科

增修定南廳志序

古者列國皆有史官凡教治禮俗逸事遺
文用不紀載該洽以上備乎輜軒之採周
禮春官言小史掌邦志外史掌方志是已
迨鄭氏通志出始部別門分各以類附其
義例今郡邑志多仿之定志自道光五年
重修及閱今復數十春秋矣

物序

定南廳

物序才輯以繼曩編者日積

年秋適奉

中丞劉 札飭重修江西通志各府廳州

縣志咸以例應彙纂以備閱核越明年二

月前署廳王公言綸開局倡修發黃生正

琅黃生正瀛陳生士奇廖生榜榮黃生鼎

煥等共襄厥事竹就緒而王公謝事去前

丞王公枚繼之席未暖復去雖稿初告成而經費無措功虞一篲之虧辛未仲秋余來攝斯篆下車伊始卽進黃生等與之往復商榷設法集費公餘時加詮次補缺訂訛頗殫心力於是向之幾苦束手者竟克幸觀厥成而藉掩乎鳩拙矣夫邑乘之修詳其善而語不嫌直錄其善

者非不潤色鋪張誇美一方之屬也也將使後之司牧得於此備知地方之利病習尚之隆汙而爲權措施寬猛之宜以奏乎更化善俗之效則志之有資於治道不誠與經史無殊哉定境風氣質樸尚儉崇廉其小民務本業而愛重身家其君子謹細行而恥虧名檢誠使能本其舊俗之

美益以孝弟忠信相箴規守其素學之端
益以節義文章自期勉行見比屋可封英
賢輩起異日之定必有以大出乎今日之
定而蔚然爲此邦生色也余日望之矣

欽加知府銜卽補直隸州知州署定南廳同知

頻陽楊邦棟撰



定南廳志

楊序

三

增修定南廳志序

班史易龍門天官等書爲十志而志遂備
乎史之一體及陳壽敘蜀漢吳魏三國事
乃專以志名其書嗣是如常璩之華陽國
志鄭玄寶之江表志實爲郡邑志之所沿
始蓋郡邑之有志其紀述之法固視史無
殊命名之義亦準史而立史十一之

定南廳志

序

一

廢興勸懲悉具志載乎一方八故實九獻
可徵使夫後之覽者一展卷而風氣之剛
柔強弱習尚之奢儉貞淫暨夫山川阨塞
戶口租庸物產人文靡不燦然在目因得
循其時與地之宜用成乎更化善俗之規
則邑乘之修所藉以信今傳後有裨益於
政教者甚大不任其久從缺畧也審矣定

南志乘道光五年重經修輯後距今近五十稔凡官吏之循良士人之節義里巷之孝子順孫宜隨時採錄增訂者實繁有徒同治乙丑春予蒞任斯土下車伊始慨然思網羅近事附之舊編旋值寇氛滋擾馳驅於戎馬間者累月遂欲爲而未果己巳

秋抄撫憲定議重修江西志並札飭

南廳志

序

二

各府州廳縣一例增修以資採擇時王君言綸攝廳篆乃於庚午二月簽舉黃生正琅正瀛鼎煥廖生榜榮陳生士奇俾司編纂之任功甫及就緒而王君他徙是年冬予忝復奉檄來公餘之暇時與諸紳商權義例殫心綜核稽之往牒而討論不厭求詳詢之故家而是非不容遲臆閱今夏四

月稿粗告成雖其文不工未足語古作者
之林而綱舉目張門分類別彰善發潛之
意要視良史有同揆况自咸豐迄乎同治
之初赤眉銅馬出沒於定疆者幾無虛日
其間官紳平定安集之碩畫兵男禦侮敵
愾之忠勤或烈婦貞姬知舍生以取義或
合門舉族甘視死以如歸其足生簡冊之

定南廳志

王序

三

光而起後人之勸慕者庶幾無愧辭焉惟
是定之爲邑僻處一隅連峰際天清溪繞
郭其氓庶朴誠推魯服糴力田重身家而
鮮干禁網其士君子說禮啟詩愛惜名行
恥奔競而杜迹公庭固旣纒鋤在野而絃
誦在戶然民風厚矣而室無程卓富實終
遠遜乎望邑則山澤樹畜之利恐猶多棄

而未收也士習端矣而族少金張科名弗
踵盛於曩時則通經學古之方恐猶多疎
而未講也繼自今其所以鼓舞而振作之
者誠良有司有不能已之責而吾屬士民
亦當厚自加勉奮發興起行與名都大邑
比隆是余心所深望乎斯役也張學博伯
煜惠其大綱而敘次之功則黃生正瓊爲

多若夫經理警校陳廖諸人俱有不可泯
之勞爰識數語簡端質諸定之人士

同治十年辛未孟夏月留江補用府同知

贛州府定南廳事漢陽王大枚撰



增修定南廳志序

定治建於前明隆慶三年而定之有志則始於明合章公登其時風氣初開文物猶未臻極盛故其書事蹟簡略草創粗備規模已耳迫我

朝教澤漸敷禮陶樂淑二百數十年間定之人士繼起聯翩茂華實而崇名節者幾與

定南廳志

王序

名區望邑相頡頏而其志乘自朱前令所釐定後亦詳明典核斐然大有可觀及道光五年再事續修去今且五十餘稔倘不亟謀詮次久之聞見異辭深恐疑信之參半己巳秋適省垣重修江西通志奉

撫憲劉送次札催各府州廳縣咸應一體增修爰商之學博張君伯煜照廳丁君鈞

並簽紳士之有學行者與之酌議章程籌
畫經費秉筆則委之黃生正琅而命陳生
士奇黃生正瀛廖生榜榮黃生鼎煥佐之
復每堡分派端謹士四名以專司採訪纂
集未半而余旋奉調去方慮費浩任重未
易圖終乃今夏四月黃生等竟以廳志新
稿郵寄郡邸而請余一言爲序流覽之餘

定南廳志

王序

二

見其叙次有法縷晰條分義在從詳文繁
而不病乎冗事皆據實語直而不涉於徇
何向慮乎功之不易就者固居然告成之
有日也豈非今廳侯楊公之通才敏識游
刃有餘而在局諸紳亦知奮勉自強以無
負乎委任之重大故事雖鉅而終克濟歎
江文通言作史莫難於志而吾謂定志之

難爲視他邑滋甚而今日之定尤倍難於
昔日之定當道光初年間闔富庶好義奉
公之士尙多今則兵戈甫脫生理未裕規
避觀望動形支絀其難一也前此典籍具
存足資考訂今則寇患游經遺文散佚幾
苦於無徵不信其難二也兼定僻處偏陬
殫見洽聞之彥半就凋零後生新進掌故

定南廳志

王序

三

鮮諳其難三也夫以爲之如是其難而一
時官紳卒能舉難若易相與有成其用力
之勤爲何如也余在任日淺於是書殊覺
無功而謬以經始其事獲廁名諸君子後
要自不能已於言云

同治十一年孟夏月中澣署定南廳同知事襄

陽王言綸謹叙



續修定南廳志序

定南處萬山之中奸人嘯聚寇盜充斥蓋
爲龍南信豐安遠邊徼之區明隆慶三年
議析三縣形勢聯絡而建縣治扼江廣之
要前人所慮至深且遠而其地之難治可
想而知歷百餘年至我

朝聲教覃敷無遠弗届屢經賢宰撫綏安集

定南廳志

賴序

一

乃成一治乾隆三十八年改縣爲廳移贛
州府同知駐定南以資彈壓其慮益周官
斯土者權愈尊責彌重也雖然治成矣將
必有政事人物風俗土宜之當志然而定
志則有難於他州縣者間攷前明奸寇潛
伏非盡土著之民也而脅從鴟義漸於泯
芬忠孝節義蕩然無聞則人物風俗之難

言也况乎聚三縣邊民剛柔強弱貞淫奢
儉風土人情未必一致土俗蕪雜政亦紛
繁而欲合而爲志尤恐散而無律嘉慶二
十一年余莅治定南閱舊志創於前明萬
歷章公瑩體例事蹟具其大凡入

本朝凡三修屢增而加詳余固知數百年來
良有司休養生息涵濡沐浴戶誦詩書人

定南廳志

賴序

二

敦禮樂萃三邊之性情好尚而爲一廳之
風氣得列爲贛郡良屬蓋已久矣余甫下
車綱紀麤定念自乾隆四十四年修輯後
迄今將五十稔其間宜增纂者又不勝屈
指方欲召集地方紳士而爲是舉旋奉委
攝寧都州篆嗣是兩督糧艘三同考官公
事羈延數年遂不果道光元年護理廳事

諸公吉祥倡修未竟三年丁公春林踵其
事至四年署廳宋公思濂接修至五年而
志成余適重攝寧都州事定紳士以志成
來請序於余竊思余未親是役而耿耿不
忘之志乃藉數君子之力於茲一慰閱是
書體裁悉備綱舉目張固又不僅數君之
力而諸紳士分纂之功爲不可沒後之官

定南廳志

賴序

三

斯土者觀之應瞭如指掌而準人情宜土
俗以爲治行見風氣蒸蒸日上固非如前
日之定南并大異今日之定南是又余所
拭目以俟者

道光五年乙酉季冬月

賜進士第翰林院庶吉士知定南廳同知事

賴勳



重脩定南廳志序

邑乘一書雖祇紀一邑之事而其為法實與經史並重凡事莫不有法躔次今而四時以定山川奠而疏鑿以施仰觀俯察天地之大法存焉而法於出治為

定南廳志

宋序

尤亟是故六經者百世不易之規而諸史者百王大備之則也雖然七政莫詳于虞按羲和之命以推今之中星則差矣四瀆大定於夏按禹貢之跡以求今之河道則荒矣法制莫備于成

周以周公之封建井田治後之天下則紛矣史書去今最近事變略同然據一代之史以為州縣之治其不合者多矣况乎省與郡異郡與邑殊即同此一邑而前後緩急猶不能一其施古

人知其然故舉一朝之典章制度政令紀綱著之于史以要其大又必舉一邑之興廢沿革民風物宜作而為志以職其詳執州縣之故事而不本經史之法其政或駁而不醇執經史之法